



Esp. kodea: 2015SAPL0002

Gaia: 2015-01-27ko ezohiko Plenoa

## AKORDIOEN LABURPENA

Udal Plenoak, 2015eko urtarrilaren 27an egindako bilkuran, erabaki hauek hartu dituela informatzen dut:

*(Plenoaren bilkura hasi aurretik, eta Alkateak horrela proposatuta, Raquel Diaz Larracoechea zinegotziaren oroimenez, bertaratutako guztiek, zutik, minutu bateko ixilunea gorde dute)*

### **1.- AURREKO BILKURAKO AKTA IRAKURRI ETA ONARTZEA.**

Udal Plenoak, aho batez, 2014ko abenduaren 18an eta 2015eko urtarrilaren 21ean egindako bilkuren aktak onartu ditu.

### **2.- EZAGUTZA HARTZEA RAQUEL DIAZ LARRACOECHEA ANDREA ZINEGOTZIAREN HERIOTZAZ, ETA HAUTESKUNDE BATZORDE ZENTRALARI JAKINARAZTEA KORPORAZIO HONEN IRITZIZ, NORK BETE BEHARKO LUKEEN HUTSIUK DAGOEN KARGUA (2011SSEC0008).**

Udal Plenoak talde sozialistako kide zen Raquel Diaz Larracoechea zinegotziaren heriotzaren berri hartu du, eta horren ondoren, aho batez, erabaki du Hauteskunde Batzorde Zentralari jakinaraztea Udal Korporazio honen iritziz zinegotzi ordezkoa Gregorio Achutegui Basagoiti jauna behar duela izan, 2011ko maiatzaren 22ko Udal Hauteskundeetan PSE-EE (PSOE) zerrendako 7. hautagaia izan zena.

### **3.- PLENOARI JAKINARAZTEA 251/2012 ADMINISTRAZIOAREKIKO AUZI-ERREKURTSOAN EMANDAKO AUTOA (DONOSTIAKO A-A 3. EPAITEGIA), UDALETXEKO FATXADAN JARRITAKO PANKARTA BATI BURUZKOA (2012SSEC0010)**

Abenduaren 10ean Donostiako administrazioarekiko auzien 3. zk.ko epaitegiak emandako 244/2014 Autoan erabakitakoa betetzeko, udaletxeiko fatxadan egon den pankarta gaurkoan kendu egin dela ezagutu du Udal Plenoak, eta horren ondoren, aho batez, erabaki du aipatu epaitegiari jakinaraztea Udalak bete duela zehaztutako Autoa.

### **4.- MOZIOA, ARRASATEKO BAKE EPAITEGIKO LANGILEEK AURKEZTUTAKOIA, ERREGISTRO ZIBILAREN PRIBATIZAZIOARI BURUZKOA (2015SMOZ0002).**

Udal Plenoak, aho batez, Arrasateko Bake Epaitegiko langileek aurkeztutako mozioa onartu egin du, eta horren ondorioz, hauxe erabaki du:



**Esp. kodea:** 2015SAPL0002

**Gaia:** 2015-01-27ko ezohiko Plenoa

- Merkataritza erregistratzaileei Erregistro Zibilaren kudeaketa ematen dion uztailaren 4ko 8/2014ko Errege Dekretu Legearen aurka agertzea.
- Adieraztea bake-epaitegiak eta gaurko Erregistro Zibilaren bulegoak izan behar direla Erregistro Zibilak kudeatzen dutenak, herritarrei zerbitzu publikoa eta doainekoa eskainiz, orain eta betiko.
- Kontutan izanik aipatutako EDLa indarrean sartuko dela 2015eko uztailaren 15ean, aurtengo otsailean Eusko Legebiltzarrak onartutako ebazpenarekin bat eginda, Udal honek Eusko Jaurlaritzari eskatuko dio Erregistro Zibila kudeatzeko eta betearazteko eskumenak jasotzeko negoziazioak azkar ditzala

#### **5.- MOZIOA, “ORDAINDU” TALDEAK AURKEZTUTAKOA, FAGOR ELEKTROTRESNAK ITXIERAREN ONDORIOEI BURUZKOA (2015SMOZ0003)**

Udal Plenoak, aho batez, Fagor Elektrotresnak enpresaren itxieragatik kaltetuak izan direnek aurkeztutako mozioa onartu egin du, eta horren ondorioz, hauxe erabaki du:

1. Mondragon Korporazioari eskatzea berba egin dezala kaltetu guztiekin arazoei irtenbideren bat emateko:

- Lanpostua galdu duten pertsona guztiak berriro lanposturen batean kokatu ditzala eta ezintasun arrazoiren batengatik lanean ez baztertzea.
- Behar diren neurriak egokitu ditzala, zuzenean negoziatu eta gero, bazkideei eta bazkide ohiei modalitate baten baino gehiagotan kooperatibaren eskura jarri zituzten aurrezkiak itzuli ahal izateko: borondatezko ekarpenek, maileguak eta kooperatiban baja eman eta gero, erabakitzeke dauden itzulketak.
- Kooperatibisten aurre-erretiroak duinak izan daitezela.
- Lanpostuak lagatzeko erabakitakoa bete dadila.

Udalak bere esku dagoen guztia egingo du elkarrizketaren bidea gailendu dadin.

2. Mondragon Korporazioari eskatzea arazo guztiak konpontzeko kaltetu guztiekin elkarrizketen bidetik abiatu dadila. Elkarrizketa bidea gauzatu ahal izan dadin behar besteko bitartekari lanak egingo ditu Udalak.



---

**Esp. kodea:** 2015SAPL0002

**Gaia:** 2015-01-27ko ezohiko Plenoa

---

3. Udal honek, bere esku dauden baliabide guztiak erabiltzea eskatzen die gainontzeko instituzioei: lehenik eta behin arloan kompetentziak dituzten Eusko Jaurlaritza eta Espainiako Gobernuari, eta bide batez, Gipuzkoako Foru Aldundiari.

4. Erakunde publiko eta pribatuekin egindako gestioen eta lortutako emaitzen berri lehenbailehen emango zaie Fagor Etxetresnetako langile, langile ohi eta bazkideei.

5. Hartutako erabakia Mondragon Korporazioari, CATari, Eusko Jaurlaritzari, Espainiako Gobernuari eta Gipuzkoako Foru Aldundiari bidaltzea. Era berean, mozio honen berri emango zaie herritarrei ohiko komunikabideetatik.

## **6.-ALKATETZAK EMANDAKO EBAZPENEN BERRI HARTZEA, PLENOAREN AZKEN BILKURATIK GAURDAINO ARTEKOAK**

Udal Plenoak Alkateak emandako dekretuen berri hartu du, Plenoaren azken bilkuratik gaurko bilera honetako deialdia egin zen egunera arte emandakoak.

Arrasaten, 2015eko urtarrilaren 27an

IDAZKARIA

Iñigo Garitano Larrañaga